

欽定剿平三省邪匪方略

欽定剿平三省邪匪方略正編卷一百七十九

庚申年

五月初八日

臣

額勒登保奏言楊開甲等股賊

匪折竄西南雖離楚豫已遠然必須上緊剿盡

臣

隨偵探賊蹤備程而進二十七日趕抵鎮安

之小河口探有一股賊匪自洵陽之西岔河竄

至大中溪小中溪王家莊鄧心坪一帶擄掠相

距祇三十餘里

臣

隨向民人詢明路徑派令楊

遇春格布舍色玉慎傳陞等帶馬步兵從兩河
關繞赴大中溪口自西向東設伏預扼賊匪出
路臣帶領穆克登布安福福忠阿及將領等從

土地嶺由北向南進擊其餘領兵各官聽候指

示均於五鼓遙發天甫黎明臣帶兵至土地嶺

聞賊衆在大小中溪溝內攻撲居民寨嗣隨令穆
克登布帶領游棟雲及兵勇等從大中溪溝腦

壓擊賊見官兵猝至卽撤攻撲瓦礫之賊有前
來抵拒者有分搶山梁者穆克登布等正在剿

殺

臣

帶領侍衛官兵從土地嶺石山梁下壓上

至半坡之賊又復折奔

臣

與穆克登布兩路之

兵合力在溝內殲殺已及五六百名賊復橫竄

小中溪經副將豐紳張鳳叅將楊芳等帶屯土

弁兵從小道抄出截殺數百名餘衆又奔王家

莊山梁適值扎克塔爾桑吉斯塔爾慶成德忠
劉之仁等聞信帶兵由大中溪之左山梁迎頭
剿殺該匪除爬巖跌斃及藏匿石硎外復又攢
聚合竄大中溪口維時楊遇春等在左右山梁
及溝內早經設伏三路該匪等到時伏兵齊起
斬擒甚多各路官兵亦卽奮力跟追數面兜剿
賊屍枕藉溝水皆赤前後生擒男婦二千數十

名時方响午

臣

一面派兵四路搜捕一面詢問

生擒之人將實在附近之男婦查訊住址確鑿

概行釋放三百餘名外其餘訊出偽元帥王洪

儒採馬頭翟大斌二名逐加研究據供此股乃

張漢潮餘黨劉允恭劉開玉爲首係襄陽劉起

榮一家王洪儒自認爲元帥翟大斌先係旗首

後爲採馬頭僉稱劉允恭劉開玉向在一處行

走今日官兵追殺見伊二人先後滾下馬來首級已被官兵割去遂將所獻首級令該匪等更番指認的確無疑又於首級內認出偽副元帥許振剛劉玉麟陳全許朝賢探馬頭張現宗劉光宗徐國賢王明珍等八犯并供此起賊匪隨處裹脅有三千餘人近與楊開甲等股賊匪會面因劉允恭等在陝已久熟悉道路令在後率

緝官兵伊等乘間繞來同竄楚豫等語洵堪痛恨當經檄割將從賊已久之犯悉行正法嗣經侍衛愛星阿帶兵搜獲各犯內有頭目范學全一名該匪帶領數賊在硯藏匿當兵勇搜查時尙敢持矛戳傷兵勇尤爲可惡亦卽盡法處死至現在陝省之楊開甲辛聰朱府子張世龍張添倫戴家營伍金柱等股逆匪節次剿潰俱奔

竄河陽安康石泉五郎等處總在西南地界與
官兵相隔一百餘里或二三百里不等臣乘此

勝勢探明何股最近卽先剿何股將在陝之賊
以次掃蕩此時賊股人數尙衆窮極狂奔防堵
尤關緊要西北棧道一帶早經派有提鎮等分

段嚴防五郎江口又經長麟續派副都統和興
嶺帶兵駐守長麟帶兵現在商州臣已知會長

麟從孝義野竹坪鎮安一帶至江口與和興額
聯絡其前調之甘涼兵二千將可到來一併交
與長麟在東北一帶協同原有兵勇分佈總期
聲息相通兼有長麟往來其間督率堵擊自可
無虞該匪竄逸師行正在緊急糧運必須源源
接濟目下剿賊之兵多在西南台布應前至興
安適中之地妥辦運供方爲有裨況紫陽平利

一帶雖有額勒亨額慶溥溫承惠等在彼堵截
若得台布在興安就近照料以備策應自益嚴

密川匪亦可不致再行竄陝臣更得專心鼓勵

官兵竭力剿辦以期速行肅事又頃接恒瑞來

信現因感冒腹瀉臣刻下由洵陽地界進擊恐

賊匪或有折竄已札囑恒瑞帶兵暫於鎮安之

趙家灣判官嶺一帶駐劄數日再行酌量進發

此次打仗官弁兵勇俱屬出力查有渾春防禦
顏冲阿吉林甲兵德祿屯守備卡登朋守備祝
廷彪千總李廷珍把總蘇雲龍鄉勇頭目趙文
超等較衆倍加奮勉惟趙文超胸受矛傷數處
已令上緊調治兵勇間有傷亡容另查明咨部
再查恒瑞處帶兵之直隸通州協副將涂登弼
上年十月追賊墮馬跌傷右膀令在洋縣調養

迄今數月經恒瑞委員查驗該員年近六旬精力就衰舊受鎗傷亦發不能動履實係因傷殘廢應請

旨予以原品休致又節次由京派來帶兵之侍衛各官均能奮勉出力無如隨征日久積受潮濕山嵐之氣間有疾病有在營調治旋愈旋發者有在州縣地方存住爲日已久屢次飭查仍未痊

可者此等官員久留在外徒耗錢糧而核其從前帶兵打仗俱尙有微勞遣令回京安心調養或可仍出當差茲有二等侍衛額爾精泰三等侍衛巴圖魯鄂爾綏二等侍衛世襲騎都尉額爾登等三員應請

旨令其一併回京又前次官兵在上津及麗子關等處與賊打仗吉林委驍騎校福倫黑龍江委官

鄂多爾庫西安滿營前鋒校富昌陝西守備馬
存把總鐵銀張乃榮直隸千總郭錦標外委韓
景祥等八員力敵陣亡西安佐領孝順太直隸
遊擊扎隆額均各受傷合併奏明奏入

上命軍機大臣傳諭額勒登保曰張漢潮餘匪在陝
境往來奔竄爲日已久總未殲滅而劉允恭劉開
玉又爲此股賊首隨處焚掠實屬罪惡貫盈此次

額勒登保探知該匪等在大小中溪溝內攻撲居民家硿卽督率官兵分路進擊並預行埋伏輾轉兜剿三十餘里將劉允恭劉開玉及頭目夥黨悉數殲戮雖張漢潮餘匪尙有冉學勝等分竄川境自有德楞泰剿捕而在陝省滋擾者業已剿捕淨盡實爲出力可嘉額勒登保前已封爲一等男着再加恩晉封三等子爵用昭優獎其在事出力之

鎮將等着額勒登保查明另行具奏候朕加恩至
所奏倍加奮勇兵勇內胸受矛傷之鄉勇趙文超
着卽賞把總職銜現在陝省尙有楊開甲辛聰宋
麻子張世龍張添倫戴家營伍金柱等股賊匪在
洵陽安康石泉五郎等處奔竄額勒登保乘此兵
威聲勢探明何股最近卽先剿辦何股無難以次
掃除但各股賊匪俱向西南逃竄額勒登保由東

面鎮安進剿尙在賊匪之後現值天氣暑熱若官
兵推事尾追易形疲乏此時西南五郎江口等處
又經降旨專令長麟台布轉飭原派各員實力守
禦額勒登保亦當選派將領酌帶弁兵繞赴賊前
幫同堵截更爲有益卽如前此楊開甲等股衝入
鄖西卡隘恒瑞扎克塔爾帶兵緊擊亦賴額勒登
保等攔截故能將賊匪逼回陝境此卽帶兵大員

以堵爲剿之成效額勒登保接奉此旨卽當遵照
速行籌辦不可徒恃陝省地方官堵禦或致稍有
疎虞又據奏副將涂登弼請以原品休致侍衛額
爾精泰等三員一併回京所奏甚是此等受傷患
病人員留營亦屬無用涂登弼着准其原品休致
額爾精泰鄂爾綏額爾登俱着回京調養再據奏
前在上津及麗子關等處打仗陣亡之騎騎校福

倫等八員俱著咨部議卹其受傷之佐領孝順太
遊擊扎隆額均著以應陞之缺陞用現在陝省官
兵得勝士氣振奮額勒登保惟當趁此兵威速將
陝境各股賊匪以次殄除不必因他處賊匪分心
轉致不能兼顧也

上又命軍機大臣傳諭長麟台布曰此時各股賊匪
俱向陝省西南奔竄東面業已無賊額勒登保帶

兵由鎮安一帶進剿尙在賊匪之後西南各處卡
隘守禦最關緊要前據長麟奏籌辦防堵事宜於
西南各要隘分派各鎮逐段帶兵駐守嗣經派令
和興額移駐五郎江口而長麟又經額勒登保知
會由孝義鎮安一帶至江口與和興額連絡聲勢
此時台布亦已赴洋縣石泉辦理團勇撫卹事宜
相距不遠值此勦賊緊要之時長麟台布務當督

飭各鎮等實力嚴防不得稍有疎懈總之西南
帶路路皆有兵勇攔截則賊匪無從奔竄額勒登
保等大兵緊躡自可夾攻痛剿以次殲擒長麟台
布係本省督撫防堵是其專責若能處處嚴密俾
經畧尅日歲功長麟台布自當同膺懋賞倘守禦
不嚴致令賊匪衝出卡隘不特將該處疎防各員
從重懲辦卽長麟台布亦必一併治罪再賊匪現

竄西南大兵前往剿辦所有軍火糧餉自當於興
安適中之地妥爲供應台布尤宜前赴該處督率
經理務使源源接濟並可就近督飭兵勇攔截川
匪竄陝之路

初九日

庚寅

姜晟奏言竊

臣

前奉

上諭以青號賊匪在小河口沿江焚掠襄陽南岸祇
有鄉民助勢並未見楚省派防官員在彼協同截

等因臣自業

恩擢任湖督因湖北鄂襄境內正有賊匪竄擾分飭
鄖陽宜荆各屬擇要設備固防爲漸次撤兵節
費之計維時賊匪三股勢似不甚鴟張松筠等
會合督兵往剿臣始進省任事兩月以來節據
各處稟報樊苟兩股均已剿蕩出境所餘青號
一股近日勢轉猖熾昨於二十七日據稟總兵

王凱陣亡不勝駭憤而賊衆肆擾宜城縣境逼
近襄郡且陝省楊逆大股由郟西邊境蒿坪壩
闖入竄往山陽旋又從漫川關折竄郟境上津
堡一帶雖經飛飭道員恒慶副將滿倉知縣孔
繼楨等嚴督兵勇隨同將軍恒瑞悉力堵剿而
相距稍遠得信較遲至河南臬司完顏岱隨同
點撫瓊珩在宜城小河口擊追賊匪一事臣前

據襄陽府稟報開四月十八日琅玕由水路起程船過小河口正值賊匪滋擾先經該府選派壯勇數十名護送前行雖未稟稱督兵擊賊而小河口本係沿江是日賊衆在彼滋擾屬實查襄江湖流上通興漢綿長千有餘里南北岸俱係楚省襄鄖所屬而豫陝各屬卽在北岸腹裏

臣
今春在襄會接吳熊光來信論及防江一節

當卽詢據襄陽府張塔稟稱南岸沿江一帶前
年亦曾設有防江弁兵因徒多糜費是以裁撤
責成民勇防禦襄郡城守臨江遇有賊匪警信
嚴飭南岸地方官巡查不容船隻停泊該匪斷
不能飛渡當卽據稟情形致覆吳熊光查照茲
值賊氛猖獗叠據該府文武稟報添募鄉勇悉
力巡守江岸以防搶渡

臣卽日馳赴襄陽遵

旨再行嚴飭設法固防勿致稍有疎虞並於臣標存
營內挑選馬步兵丁三百名飭赴襄陽一帶以
備沿江緊要處所酌量撥遣防堵其各處雜民
亦卽就近督查妥爲撫卹期無失所奏入

上命軍機大臣傳諭姜晟曰現在楚省賊匪樊苟兩
股均已剿竄出境所餘惟青號一股係徐添福爲
首賊勢頗熾現經明亮倭什布與孫清元等合力

剿辦若能將此股剿淨楚境即可肅清楊開甲等
賊匪昨據額勒登保奏稱節次剿潰俱奔竄洵陽
安康等處在陝省西南地界與官兵相隔一百餘
里或二三百里額勒登保等由東面跟蹤追剿賊
匪諒不能復行折回是此股竄匪距楚省邊界已
遠鄖西一帶有恒慶孔繼構等在彼防堵自不足
慮此時亟宜剿辦者祇有徐逆一股南岸沿江地

方關係緊要不可不嚴密防範所募鄉勇無賊時
自應裁撤而遇賊蹤竄近不能不酌量添募然添
募鄉勇總不如團堡自衛之得力卽地方遼濶不
能處處備禦但與賊蹤接近處所必當多團練勇
悉力固守使賊匪無從奔突方可收擊剿之效

十一日

壬辰

台布奏言本月初三四日連據盤屋

縣稟報賊匪一股從辛口峪竄出約六七百人

距斜峪關不遠兩股從辛峪西路峪竄出約共
四五千人在縣西北曹家灘屯聚並據總兵索
費英河稟稱一股已竄至杜家莊該鎮派遊擊
岱什衣護都司達如英帶兵四百名馳往堵禦
各等情臣查賊匪分路肆擾其意專圖牽綴官
兵自當斟酌緩急近分別策應堵遏現在各
大股逆匪被經畧等從東截回由鎮安洵陽西

竄而西鄉縣牛羊河石泉縣兩河均有敗匪滋擾辛口峪一股又至杜家莊勢俱西趨江口情形比前更重且距盤屋七百餘里僅有長春維昂一路兵勇既已不能兼顧祇可先治其急索費英阿分兵堵禦後存營兵力甚單後路尤關緊要不可不撥兵策應而江口營盤又不便於全撤因派長春維昂酌帶兵勇前赴兩河幫同

索費英阿聯絡王文湧併力遏截以杜賊匪向

西之路

臣

自帶原兵一百四十名並練存鄉勇

緊守留壩江口確探各路消息再定趨向其曹

家灘兩股離省止一百數十里督臣長麟前調

西安滿兵五百名替換觀祥馬隊係爲防守平

地起見今聞各兵俱已回省此時防守西安之

外是否尙有數餘

臣

未能懸揣一面知會署將

軍觀成酌量調派一面知會長麟查照約計長
麟距省二百數十里係屬大路尙可趕回策應
長麟前以緊顧豫省門戶帶同觀祥馬隊馳赴
商州但經畧等各路重兵盡在東面商州畢竟
稍緩想伊先得盭屋稟報自己星夜就近退出
督率剿捕據實馳奏矣奏入

上命軍機大臣傳諭長麟台布曰本年四月內據長

麟台布前後奏到移兵陝省邊界及江口一帶汾
段堵禦閱所開單內和興額王文雄索費英阿長
春汪啟王文湧各員俱在陝省西南一帶分段駐
守統計所帶兵勇不下一萬四千餘名彼時因賊
匪本欲竄赴河南西南兩面層層設卡安兵斷其
後路而東北兩面全無遏禦是欲逼令賊匪全趨
豫境因降旨將額勒登保那彥成長麟台布四人

俱行拔去花翎副都額勒登保在商維一帶痛殲
賊衆賊勢已向西趨距豫漸遠當卽將伊等花翎
俱行賞還續復據額勒登保奏楊開甲一股賊匪
竄至鄖西經恒瑞扎克塔爾等帶兵追擊東面又
有額勒登保等截剿賊匪折向西竄朕方以西南
一帶帶有長麟等所派重兵堵禦正可乘勢夾擊殲
除淨盡乃本日台布摺內轉稱此時江口情形比

前者重且距盤屋七百餘里僅有長春雉昂一路
兵勇難以兼顧之語然則伊等四月間所奏佈置
各兵今俱何往豈此項駐兵續行撤去或別有調
遣抑竟係長麟台布前此所奏佈置情形全係紙
上空談僅據屬員稟報率行入奏其實並無兵勇
在彼防禦若果如此則伊等之罪無可道且昨據
額勒登保奏報張漢潮一股餘匪全行掃蕩現赴

洵陽一帶追剿各股賊匪已知會長麟令其從孝
義鎮安一帶前往江口兼調甘涼兵二千名於要
隘安設以資堵禦並知會台布移駐興安就近督
辦糧餉策應照料額勒登保之摺乃五月初一日
拜發台布近在同省豈有於五月初四日發摺時
尙未得信之理而伊摺內僅稱約計長麟距省二
百數十里亦係懸揣之詞究竟總督駐紮何處並

未知悉看來該省巡撫與總督聲息全不相通督撫又與經畧不相聯屬伊二人互相推諉竟係有心貽誤長麟台布均着傳旨嚴行申飭現今賊匪在江口一帶竄擾如西面兵單防堵不力賊勢非西竄秦隴卽闖入川境伊等豈以驅賊出境卽非伊二人疎脫之罪乎長麟台布於無賊地方則以佈置堵禦情形虛詞陳奏及至賊匪竄近則又稱

兵力不敷卽如長麟前奏在大峪口帶兵駐守其實該處並無賊匪後復奏赴商州一帶防堵彼處賊匪分竄已遠該督始行前往長麟自到陝甘以來並未與賊接仗一次其聲勢不及額勒登保遠甚賊匪何至畏其先聲遠行竄避是長麟竟係揮一無賊處所安駐坐守以堵賊爲名掩其避賊之實此時新調甘涼兵二千又交長麟帶領豈又在

無賊處所擁兵自衛耶賊匪現已向西奔竄伊等
自必奏稱派撥兵勇防堵東面與前此西南兩面
佈置情形相等萬一賊勢又復折而向東又必以
無官兵堵禦爲詞似此賊去有兵賊至無兵其所
奏豈復可信伊等於防堵事宜毫無調度一任賊
匪往來奔竄全不先事預籌惟知以請撥餉銀爲
事如此一無布置豈可濫糜公帑乎總之長麟台

布如能屏除私見督于文武員弁於要隘處所設
法防範俾經畧額勒_只保追賊所到之處有兵截
擊得以殲淨賊匪將杰事竣論功長麟台布自必
一體邀恩若仍前遷延觀望各便私圖是額勒登
保帶兵不能得力皆伊二人貽悞所致則長麟台
布之罪較魁倫爲尤重勿以身輕爲嘗試慎之

十五日

丙申

德楞泰奏言

臣

前因大江北岸有許

文謨所追藍號賊股滋蔓必須全行肅清方無
後慮是以將劉朝選等一股餘匪令李紹祖等

分帶官兵跟蹤追剿

臣

遂由忠州一帶前進據

總兵許文謨等稟報哨探藍號賊匪於二十四

日屯於梁山縣屬之梨樹場一帶該總兵由沙

平觀趕至沙河場距賊二十餘里時值微雨卽

乘雨令託雲泰李東山沈文曰常祿蕭太和馬

占魁等各帶兵勇直前分路抄擊侍衛阿納保
帶領吉林索倫馬隊直衝場上賊見官兵亦分
路來敵官兵鎗箭齊發奮力剿殺時兩勢愈大
卽用刀矛砍截賊匪力不能支丟棄馬驟由場
外敗走石橋擁擠不開官兵乘勢趕剿共殺賊
二百四十餘名又有落河淹斃者百餘人生擒
陳光龍等四十餘名投出難民譚大儒等一百

三十四名賊向忠州之馬家場而逃適天星寨
百姓亦率衆下寨攔截賊又衝突而逃寨民紛
紛截殺經官兵追擊二十餘里割獻首級七十
四顆奪獲大小旂幟刀鎗三百餘件驟馬三百
餘匹頭仍卽跟蹤追剿等語臣遂帶兵徑由梁
山進發冀圖夾擊二十八日行抵石家場忽據
探報白號賊匪張子聰貞向瑤等勾萬縣趕場

嶺向忠州之禹曠灘而來句竄住江岸之勢

恐該逆知我兵至又復折竄他處是夜四鼓卽

督率溫春賽中阿阿穆勒塔色爾滾達勒精阿

薩寧阿富僧德馬瑜蒲尙佐達自祥李應貴馬

應國等分帶兵勇由石板灘向家坡直進九亭

場午刻兵抵九亭場對面山埡該逆探馬望見

官兵卽率衆先逃我兵遙見疾馳趕剿沿途斃

賊三百餘名生擒謝中恒等八十七名追至三十餘里之謝家巖風雨大作勢難再進賊惟遂由吳家壩逃奔查吳家壩係通關壩子爲梁墊交界之所詢得由豐收溪一路前進可以繞出賊前五月初一日途次忠州屬之許家嶺留侯溪探報賊已迎面前來相距不遠卽分兵兩路令溫春賽冲阿阿穆勒塔色兩隊直前剿殺緣

四山林木茂密又兼細雨薄霧賊匪不知兵至
馬步突然衝入該匪等並不接仗折由原路捨
命奔逃因泥滑不能疾行馬兵得以奮力馳騁
又殲賊二百餘名生擒賊匪苟世全等一百二
十七名追至深溝槽該處寨民又復統衆壓下
殺賊五十餘名賊匪首尾被剿驟馬牛隻丟棄
遍地遂上陳家嶺奔逃時大雨如注官兵冒雨

緊追由胖子嶺至雙河口又值溪水驟漲賊匪
撲河而過復被淹斃一百餘人官兵衣履淋漓
時已昏黑當令跟探是夜該逆屯於忠州之金

雞場一帶勢向東竄梁山梨樹場

臣

取道趕壩

場而進連日雨仍不止初三日行至梁山之觀

奇崖頂上聞賊果由梨樹場場店舖前來相距

三十餘里

臣

督率馬步兵勇一由尖峯寺一由

梓潼園分路趕剿至楊店舖趕上殺賊七十餘
名餘匪亡命遁去擒獲探信賊匪張天祥等四
十八名並逃出難民張大勝等八十六名口查
現在忠涪二州鄆都長壽梁墊等處既已肅清
臣擬由開萬一路相機進剿第各逆一見官兵
不敢接戰被脅渙散及投出者實在衆多各寨
百姓一見賊敗卽率衆下寨助勢洵爲極好機

會惟因賊匪見兵卽逃以致未能殲除一股此
次剿賊兵勇傷亡者共計不過十數名所獲賊
匪難民俱已隨時分別妥爲辦理再前賞七品
頂戴之鄉勇冉玉龍此次隨同吉林索倫馬兵
首先衝入賊隊殺賊二名身受矛傷六處幸不
甚重當卽酌賞銀兩以示嘉獎再勒保前因鶴
遊坪等處賊匪猖獗派令副將趙得功帶兵二

于赴彼協剿時

臣

帶兵已由忠涪前進剿辦該

副將儘可不必來營卽札令暫駐順慶沿江巡

防現在勒保剿辦龍安之賊雖首逆尙未就擒

勢已萬分窮蹙卽日可以蕪事其趨得功之兵

俟勒保前來會合時卽就近帶赴川東

臣

等再

行酌商派撥又成都副都統定柱前因賊匪滋

擾川西省垣重地帶兵回駐彈壓此時川西業

已肅清其滿洲兵丁係原調在外隨征者未便
聽其安坐省城臣當卽札調來營昨接定柱來
信業已奉

旨回省協同藩司楊揆彈壓所有滿兵五百名已令
協領努赫稜帶領來營進剿

德楞泰又奏言竊臣前奉

諭旨以朱射斗在高院場陣亡河哈保衛圍退出並

不奮力救援實有應得之咎令臣查明奏查阿

哈保帶領吉林宗倫馬隊現在龍安勒保軍營

剿賊正當喫緊之際若卽調令來營訊供不但

往返耽延而軍前又少一帶兵之人如伊果有

畏縮情事亦不肯直言無隱查臣營卽有同時

在事員弁兵勇更可得其實在底裏因卽一面

傳訊一面札致勒保令其就近傳訊阿哈保供

詞茲准訊取移送前來據阿哈保稱於正月二十
十八日准魁倫移咨令同朱射斗百祥共帶兵
三千名前隊進剿魁倫自帶兵四千內挑選精
兵一千五百名前來接應二十九日阿哈保等
三人帶同官兵進剿行至文井場因該處地方
緊要後隊軍火鍋帳等項難以隨行會商酌量
留兵一千交百祥於文井場扼據並守後營朱

射斗與我共帶兵二千前進迨與賊接仗將賊
剿敗追殺十餘里至高院場賊匪漸增至兩萬
餘人朱射斗佔住山梁我帶馬隊二百分爲兩
路在山腳下抵住與賊打仗不想接應總不見
來賊見兵單分路搶上山梁朱射斗被賊壓下
陣亡步兵潰散賊卽衝撲馬隊實在兵單不能
抵禦彼時索倫馬隊陣亡官兵二十八員名兵

丁亦被衝散我纔闖出重圍不料魁倫將兵四千全行帶赴蓬溪而去並未接應以致失事詢之同時在事之守備張拱辰外委趙浩與阿哈保供詞相符查阿哈保與臣前在臺灣廓爾喀苗疆俱係同事爲人忠實打仗勇往素非畏縮怯懦之員卽現在龍安剿賊帶兵亦爲得力前此朱射斗陣亡失事實由魁倫不諳軍旅未能

詳悉賊情預爲布置卽令阿哈保等冒昧難逃
又未帶兵接應竟赴蓬溪其僨事實非阿哈保
之咎臣荷蒙

聖恩如果阿哈保有退縮情事斷不肯稍事姑容使
畏蕙者無所做懲奏入

上命軍機大臣傳諭德楞泰曰此次藍白號各股賊
匪經許文謨等追剿殺賊二百餘名其張子聰庚

向瑤等復經德楞泰帶兵截殺節次斬獲二三百
名不等所辦尙好且氣候炎熱官兵冒雨追賊實
爲勞苦可嘉朕心甚爲廛念惟摺內所稱賊匪一
見兵到總不接戰卽行逃散致未能殲除一股等
語剿辦賊匪全在地方官督率鄉勇實力團練各
保村堡一見賊匪撲近卽行攔截使剿賊之人得
以合力夾擊賊匪何從逃竄現在剿賊之人非不

上緊跟蹤追剿總緣地方官不肯實心助力以致
東奔西逐玩悞委靡牢不可破實爲惡習德榜泰
現係成都將軍在本省剿辦賊匪卽有地方之責
嗣後各地方官遇有實力辦理團勇果能堵禦賊
匪者卽當存記知會勒保與之聯銜保奏其因循
懈玩見賊不顧者卽與勒保會銜勒保參加重治以
縱賊之罪如此分別勸懲庶可期迅速集事至川

東賊匪向有九股節次剿殺後究竟尙餘幾股現
在所剿者究係何股賊匪摺內未據詳悉聲敘卽
著據實覆奏至所調成都滿兵五百名原係德楞
泰所轄旣經檄調來營亦無不可副都統定柱未
經行陣帶兵必不得力且省城亦須大員彈壓自
應令其回省駐劄阿哈保爲朕藩邸請達朕斷
不肯稍存迴護是以將伊等查今旣據德楞泰奏

明阿哈保並非畏懼所諭甚公卽傳知該員令其
益加奮勉可也

同日江南提督定住奏言臣自閏四月十五日

馳抵廬氏縣地方與吳熊光會晤籌商後卽赴
朱陽關帶領直省官兵一千名駐紮防堵續於

五月初一日又移駐較近陝界之李漫坪地方
防四伏查陝楚二省鎮安鄖西等處雖尙有賊

蹤但相離邊境尙遠豫省道路情形吳熊光素
爲熟悉且伊布置有方南北二鎮以及分防各
處本省官兵已有六千餘名較之從前甚爲嚴
密尙可無虞至李沒坪地方與陝省南南相離
數十里較爲逼近臣正當前赴陝省由經畧嶺
勒登保處派交健兵協力剿捕俾得速滅匪蹤
至奉派直晉東三省之兵晉東兵丁現派荆紫

關一帶防堵至現帶之心直省兵丁一千名經

臣

帶領後日加訓練察看人皆勇往技藝亦爲熟
習較之他省尙稱強壯除去新募及衰弱外可
得入百名應請

賞給

臣

帶領前赴陝省加帶健兵以資協剿更爲有

濟奏入

上命軍機大臣傳諭定住日前此陝省竄匪經額勒

登保等奮力兜剿已由商雒西竄卽襄江一帶間
有楚匪竄渡亦經防江兵勇擊退看來豫省邊防
不甚著重且該處防堵一切有吳熊光布置嚴密
尙可放心定住情切報効懇恩赴陝協剿自屬可
行其直隸新到之兵定住訓練後技藝尙能熟習
則剿捕自可得力現在豫省之兵足敷防堵無須
此項兵力卽著定住將挑出之直隸兵八百名帶

領赴陝至定住自豫赴陝沿途遇有賊匪自當隨地剿捕並將打仗殺賊情形自行具奏若沿途無賊卽徑赴經畧大營聽候額勒登保派調遇有打仗情形總當由經畧奏報定住無庸自行具奏

同日勒保奏言查高一馬五等股賊匪自經

臣

督兵剿殺後卽由灤水河范家壩一路亡命奔逃屢據獲犯供稱賊匪被剿情急遂欲由甘赴

陝如不能過河竄往文縣仍由番地舊路折回
龍安是以一面知會廣厚務於白水東岸各要
隘督率兵將實力嚴防一面派令總兵百祥帶
兵馳赴龍安督同土官王興王璣等于各番地
扼要分投堵剿臣卽同阿哈保七十五薛大烈
等由磨子坪督兵追躡探得賊分兩股一係沿
河行走一係翻山竄逃查灤水河西面老山左

通摩天嶺可出青川爲運糧要路復派薛大烈
挑帶兵勇間道赴摩天嶺堵截臣卽督同各將

領順河追剿該匪等先欲由玉壘關左家壩等
處搶船過河均經廣厚督兵擊退復翻山由石
磨河竄遁該處均係番境凡懸崖峭壁無路處
所向用木植支搭偏橋只容一人一騎賊匪因
我兵追躡甚緊每遇偏橋卽行拆斷我兵另須

踴道搭橋以致數日不能趕上接仗實深焦急
直至二十五日由關頭至黃茅嶺追及賊尾殺
賊七八十名生擒汪經等三十五名惟連日逃
出被脅難民絡繹於道每日數十人或一二百
人不等均從老林巖洞中投出僉稱賊因路徑
險窄驟馬多有跌斃不能大隊遶行分作數路
行走總欲由沿河一帶躡淺竄過文縣無如隔

河官兵堵禦甚嚴不能搶渡等語查二十五日
有分股賊匪至上丹布經廣厚派兵渡河截剿
殲戮多名二十七日臣帶兵追至甘溝坪據報

舊關地方有賊匪千餘來至河岸踞渡經棗園
壩官兵隔河轟擊殲斃馬步賊匪三十餘人仍

退入舊關溝內臣卽挑出奮勇官兵連夜進剿

經七十五告稱腿傷漸愈情願赴前敵帶兵當

令阿哈保帶領馬隊一同馳往臣亦督兵繼進

二十八日辰刻抵舊關見對面鍾靈山堙口有黃白旗各一面副將張長槐遊擊鄭啟貴卽帶兵勇搶上山梁僅有賊匪數人一見官兵並不拒敵立時下竄七十五知其有詐暫令紮住追獲活賊王么娃訊知大隊賊匪五更時已從新寨鐵鑪溝一帶奔走留有桿子手五百名在老

林埋伏一俟官兵過近卽出來衝截等語當派
叅將張志林守備蒲佑盛帶領土兵鄉勇分作
兩路徑入老林搜捕未及里許見有十餘人在
林內窺伺當被兵勇立時搜捕殺斃五名活擒
三名餘衆正在箐林內潛匿知被官兵識破奸
計旋即四散潛逃我兵分投追逐殺賊一百餘
名生擒楊開陔等五十餘名跌斃者甚多二十

九日臣一面留兵搜山一面卽督率大隊直趨

新寨適值大雨如注各處山溝水發未能前進

只可在舊寨暫紮初二二兩日仍復霧雨不止

相距新寨不遠探知賊亦未動無如水阻難以

進攻初二日午後天色開霽當卽另行躡道由

北面山梁可以繞出新寨之後惟馬匹斷難行

走臣卽派張良槐張志林鄭啟貴烏爾恭阿等

帶領漢土官兵並鄉勇二千餘名於四更時步行翻山競進天明卽抵新寨賊衆不防我兵猝至立形慌亂拈命狂奔我兵儘力追殺斃賊二百餘名生擒賊匪白朝貴等並投出難民張子順等二百八十一名口奪獲牛馬旗幟器械無算訊知此係高二高三之賊緣馬五先在鐵爐寨屯紮該處山勢險要高二因各路俱有官兵

堵住不能遠竄欲與馬五相商且在該處踞險屯聚是以於初一日赴鐵爐寨未回只留高三在新寨致被官兵殺散不知下落隨將現獲各賊分別訊明正法省釋並查鐵爐寨四面俱係深林隨令阿哈保七十五帶兵廝探道路相截進剿至摩天嶺一路據薛大烈稟報二十四日有賊匪數百人直來攻撲卽經我兵乘勢下壓

殲斃馬步賊匪四五十人餘衆潰逃該鎮緣後
路緊要而石磨河關頭等處在在有小路可通
青川未便窮追營經臣仍令紮住摩天嶺以顧
後路並據龍安長官司王璵稟報二十八日有
賊匪數百人由鐵爐寨至白馬路一帶奔來王
璵得信卽帶領番兵前往迎擊賊匪連撲六次
均經擊退追過數重山梁斃賊百餘人餘匪敗

道仍回鐵爐寨各等情

臣

當卽派弁賫給銀兩

綢疋烟茶等項查明出力番兵優加獎賞仍飭

該土官等務須加緊嚴防現在火溪溝烏閣里

兩路均有土番實力防堵小河營三舍等處已

飭百祥馳往兜截柴門關南坪等處派叅將增

順等率領兵番扼要駐守甘肅一面廣厚在隔

河督兵擊卡極爲周密官兵亦俱踴躍出力此

時賊匪全屯番境已入絕地正可趁此機會策
勵將士悉力攻擊以冀一鼓殲除奏入

上命軍機大臣傳諭勒保曰現在賊匪由鐵爐寨至
白馬路一帶奔竄已入番境番民素性獷悍族類
各殊諒賊匪不能裹脅有入夥該處火溪溝烏閣里
兩路有土番防堵小河營等處有百祥兜截柴門
關等處有叅將增順駐守甘省一面有廣厚在彼

隔河擊卡是四面佈置極爲嚴密賊匪已如金底
游魂無從遁逸向來軍營剿賊每苦於前無攔截
難成夾擊之勢現在甘省有廣厚在彼堵禦自不
慮其竄入甘境其餘堵截俱屬周密勒保係剿賊
之人不可稍有疎懈惟當乘此機會鼓勵兵勇士
番將此股賊匪卽在番境殲除淨盡勿令復竄回
龍安及川西邊等處稍留餘孽方爲妥善從前勒

保剿辦冷添祿一股賊匪已將該匪四面攻圍旋
因時值霧雨賊匪乘間他竄以致辦理稽延雖事
屬已往不可不引以爲戒此時已屆暑令若官兵
到處趕賊未免稍形疲乏今賊匪已屯聚一處官
兵悉力攻圍正當乘賊勢窮蹙之時上緊辦竣不
得以暑熱雨水爲詞遷延時日如果能將此股賊
匪尅期掃蕩勒保阿哈保廣厚三人朕必一體加

恩至高二馬五係屬首逆如果生擒卽在該處正
法若臨陣被戮卽當驗明屍身據實奏聞俟此股
賊匪辦竣後勒保卽當前赴川東幫同德楞泰剿
辦賊匪以期川境迅就肅清再土官王與王璣幫
同官兵堵禦賊匪甚爲出力勒保已賞給銀兩綢
疋等物仍著再行酌加頂戴奏明賞給以示優獎

同日

上諭內閣曰川省地方被賊滋擾朕屢念災黎著加
恩將先經緩徵之射洪鹽亭遂寧西充南部劍州
長壽涪州酆都平武等十州縣及南坪一營又未
經緩徵之松潘三臺中江綿州梓潼江油彰明七
廳州縣所有本年地丁正閏火耗銀米俱加恩豁
免其被賊稍輕之安岳樂至石泉金堂及近賊之
茂州簡州六州縣應徵本年地丁正閏火耗銀米

著暫行緩徵又此次被賊各廳州縣應徵鹽茶課
稅銀兩多有滯引未銷亦著一併展限緩徵以示
朕軫念偏隅恩施無已至意